

मार्निंग डोगरी न्यूज़ बुलेटिन, समें. 09-20 Hrs

<><><><><><>

## Headlines

- जम्मू कश्मीर च औंदी 18 सितम्बर गी होने आले पैहले गेड़ दे असैंबली चुनाएं लेई 219 मेदवार चुनां मैदान च न।
- मुख् सचिव अटल डुल्लू होरें गोआची गेदे राजस्व रिकार्डें लेई जिम्मेदार लोकें खलाफ सख्त कारवाइएं दे निर्देश जारी कीते न।
- मुख् दे सकल घरेलु उत्पाद जीडीपी नै मजूदा माली ब'रे दी पैहली तिमाही च 6.7 फीसद दी विकास दर दर्ज कीती ऐ।
- 20एं ब'रे शा लोहकी उमरी दे खडारिणं दी वर्ल्ड अंडर-20 एथलैटिक्स चैंपियनशिप च भारत दी आरती नै महिलाएं दी 10 ज्हार मीटर तेज चलने आली रेस च कैह दा तगमस जित्ती लैता ऐ।

<><><><><><>

## Election Phase-1

जम्मू कश्मीर च होने जा'रदे विधानसभा चुनां दे पैहले गेड़ जेहदे तैहत 18 सितम्बर गी 24 सीटें पर मतदान होने जा'रदा ऐ, च कल 219 मेदवार चुनां मैदान च रेई गे न। इनें विधानसभा सीटें चा 16 कश्मीर ते 8 जम्मू प्रांतै च पोंदियां न। जम्मू कश्मीर केन्द्र शासत प्रदेश दे मुख् चुनां अधिकारी हुंदे आस्सेआ जारी जानकारी मूजब इस गेड़ लेई 244 योग्य मेदवारें चा 25 मेदवारें अपने नामांकन परताई लैते न। जम्मू प्रांतै च जेहड़े मेदवारें अपने नां वापस लैते न उंदे चा 7 डोडा, 7 गै किशतवाड़ ते 6 रामबन जिले दे मेदवार न। डोडा जिले च हुन 27 मेदवार गै चुनां मैदान च रेही गेदे जिंदे चा 10 भद्रवाह, 9 डोडा ते 8 डोडा पच्छम सीट परा चुनां लड़े करदे न। इस्सै चाल्ली किशतवाड़ जिले च हुन कुल 22 मेदवार चुनां मैदान च न जिंदे च 9 इंद्रवाल, 7 किशतवाड़ ते 6 पाडुसर-नागसेनी हवधानसभा हल्के थमां चुनां लड़े करदे न। तोआई रामबन जिले च बचे दे 15 मेदवारें चा 8 रामबन ते 7 बनिहाल विधानसभा सीट लेई चुनां मैदान च न।

ध्यानजोग ऐ जे पैहले गेड़ दे चुनां लेई योग्य कुल 23 लख 27 ज्हार मतदाताएं च 5 लख 66 ज्हार चुनां मतदाता न जेहड़े इस गेड़ तैहत् 18 सितम्बर गी वोट पाने दे अपने अधिकार दा इस्तेमाल करगंन। इस गेड़ च कुल 9 महिला मेदवार चुनां मैदान च न जिंदे च 5 कश्मीर घाटी ते 4 जम्मू प्रांतै च चुनां लड़े करदियां न।

<><><><><><><>

## BJP Reddy

केन्द्री मंत्री जी.किशन रेड्डी होरें इस गल्लै पर जोर पाया ऐ जे दफा 370 हटाए जाने दे 5एं ब'रें दे अंदर जम्मू कश्मीर च रमानदारी ब्हाल होई गेदी ऐ ते बड़डे स्तरै पर विकास बी होआ करदा ऐ। उनें लोकें गी अपील कीती जे ओह् औंदे असैंबली दे चुनाएं च उंदी पार्टी गी वोट देन। कल जम्मू च पत्रकारें कन्नै गल्ल करदे होई रेड्डी होरें आखेआ जे दफा 370 गी हटाए जाने शा पैहले आतंकवाद इक ऐसा बड़डा खतरा हा जेहड़ा लगातार बने दा हा पर हुन इस किस्मै दी गतिविधिएं गी जड़ थमां मकाई दित्ता गेदा ऐ। रेड्डी होरें आखेआ जे जम्मू कश्मीर दे लोकें पर बड़ी बड़डी जिम्मेदारी ऐ की जे दफा 370 हटने दे बाद ओह् पैहली बारी मतदान करन जा करदे न।

<><><><><><><>

## Kathua SVEEP

जम्मू कश्मीर च 10एं ब'रें दे वक्फे परैंत होने जा'रदे विधानसभा चुनाएं गी लेइयै हर चाल्ली दियां तैआरियां जारी न, उत्थें गै मतदाताएं गी जागरूक बनाने लेई स्वीप दियां गतिविधियां बीह र जिले च बरोबर जारी न। साढ़े कठुआ आले जिला संवाददाता नै जानकारी दित्ती ऐ जे कल उत्थूं दे कुड़िं दे सरकारी हायर सकैंडरी स्कूल च स्वीप तैहत् इक कार्यक्रम दा सरिस्ता कीता गेआ जेहदे च नोजवानें मते उत्साह कन्नै हिस्सा लैता। साढ़े जिला संवाददाता कन्नै गल्ल करदे होई किश विद्यार्थिं आखेआ.....

<><><><><><><>

## CS Missing Records

100 फीसदी राजस्व रिकार्डें गी डिजीटल स्वरूप देने दी जरूरतै पर जोर पांदे होई मुख् सचिव अटल डुल्लू होरें केई ग्राएं च गोआची गेदे रिकार्डें लेई कसूरवार लोकें खलाफ सख्त कारवाई दे निर्देश दित्ते न। एहदे च शरारती तत्वे खलाफ एफआईआर दर्ज करोआना बी शामिल ऐ तां जे उंदे खलाफ कनून तैहत् लोड़चदी कारवाई जकीनी बनी सकै।

कल लाई गेदे राजस्व मैहकमे दी इक बैठक दी प्रधानता करदे होई दुल्लू होरें प्रदेश दे राजस्व ग्राएं च राजस्व रिकार्ड आले दस्तावेजें गी अज्जै कल्लै दे स्हाबै दा बनाने दे कम्में दा जायजा लैता ते सरबंधत अधिकारिएं पर जोर पाया जे ओह रिकार्ड आले दस्तावेजें दा समें-बद्ध तरीके कन्नै डिजीटलीकरण जकीनी बनान। राजस्व मैहकमे दे माली कमीशनर, सचिव ते होरने सरबंधत अधिकारिएं बी बैठक च हिस्सा लैता।

<><><><><><>

## Vande Bharat Train

प्रधानमंत्री नरेन्द्र मोदी होर अज्ज दपैहरी त्रै वंदे भारत रेलगडिडएं गी वीडियो कांफ्रेंसिंग राएं झंडी दस्सगंन। मेक इन इंडिया ते आत्मनिर्भर भारत सोच बक्खी बधदे होई अज्ज कल दी नमीं तकनीक कन्नै तैआर वंदे भारत एक्सप्रेस मेरठ-लखनऊ, मदुरई-बैंगलुरु ते चेन्नई-नागर कोईल शामिल न। इनें नमिएं वंदे भारत रेलगडिडएं राएं लोकें गी भलेया अरामदायक, सुविधाजनक, तेज ते विश्व सतह दिएं रेल सुविधाएं ते सेवाएं दा फायदा चुक्कने दा मौका थहोग।

<><><><><><>

## Rev. GDP Data

2024-25 आले माली ब'रे दरान भारतीय अर्थबवस्था नै सकल घेलू उत्पाद दी विकास दर 6.7 फीसद दर्ज कराई ऐ। साख्यकी मंत्रालय आस्सेआ जारी आंकड़े मूजब विनिर्माण क्षेत्र, जेहड़स नोजवान कार्जबल गी मयारी कम्म उपलब्ध करांदा ऐ नै 7 फीसद विकास दर दर्ज कीती ऐ जिसलै जे निर्माण ते बिजली क्षेत्रें दोहरे अंकें दी विकास दर्ज इस तिमाही दरान दर्ज कीती ऐ। अज्ज जिसलै दुनिया भरै च भू-राजनैतिक तनोतनी कारण दुनिया दिएं बडिडएं अर्थबवस्थाएं च बी डर ते जक्कोतक्की आली स्थिति बनी दी ऐ। भारतीय अर्थबवस्था दे एह आंकड़े मती राहत ते सकारात्मकता प्रदान करने आले न।

<><><><><><>

## LG-SMVDSB

उपराज्यपाल मनोज सिन्हा होरें आखेआ ऐ जे जीवन भर सिक्खने ते भविक्ख च औने आलिएं चुनौतिएं दा मकाबला करने दा आधार साढे अंदर दी तांग ते जिज्ञासा होंदी ऐ ते कन्नै राष्ट्र निर्माण लेई चरित्र दा विकास होना अत्त लाजमी ऐ।

एह गल्ल उनें कल श्री माता वैष्णो देवी श्राईन बोर्ड दे 39में स्थापना दिवस दे मौके पर अपने संबोधने च आक्खी ते कन्नै श्री माता वैष्णो देवी गुरुकुल दे 14में स्थापना दिवस दे सिलसिले च आयोजित कार्यक्रम दरान अपने भाषणै च। उनें आखेआ जे पढ़ाई दिएं प्राचीन भारतीय परम्पराएं सदा गै चरित्र निर्माण पर जोर दितता ऐ तां जे विद्यार्थी राष्ट्र निर्माण च महत्वपूर्ण योगदान देई सकन। उपराज्यपाल होरें आखेआ जे नैतिक कदरां ते वैज्ञानिक सोच दवै मिलियै ज्ञान ते पढ़ाई दे सरिस्ते गी मता निग्गर ते वास्तवक बनाई सकदे न। मनोज सिन्हा जेह्ड़े श्री माता वैष्णो देवी श्राइन बोर्ड दे चेयरमैन बी ऐन, होरें बोर्ड ते गुरुकुल कन्नै जुड़े दे सब्बने सदस्यें ते अधिकारिं गी उंदे कम्म ते जम्मू कश्मीर दे समूलचे विकास च योगदान लेई उनेंगी ममारकबाद बी दित्ती।

<><><><><><><>

## Pensioner Verification

खजाना मैहकमे नै जम्मू कश्मीर च 60 प्रतिशत सरकारी पेंशनरें दी तस्दीक दा कम्म सबूरा करी लैता ऐ। अधिकारिं जानकारी मूजब अजें तगर 2 लक्ख 38 ज्हार पेंशनरें ते नरोआरिक पेंशनरें चा तकरीबन 1 लक्ख 43 ज्हार दी तस्दीक करी लैती गई ऐ। इस दरान तकरीगन 5 करोड़ रपे तगर दे बाढ्कू पेंशन भुगतान दा बी पता लग्गा ऐ ते इस रकम गी वापस लैने दी प्रक्रिया रंभी दित्ती गई ऐ। प्रदेश च अजें कुल पेंशनरें चा छड़े 4 ज्हार 162 लोक गै प्रमाणिकरण लेई जीवन प्रमाण ऐप दा इस्तेमाल करै करदे न। एहदे लेई ट्रेजरियां ते सब-ट्रेजरियां बी पेंशनरें गी जागरूक बनाह करदियां न। बड़े मते बुजुर्ग पेंशनरें दी तस्दीक लेई तकरीबन 2 ज्हार लोकें दे घरें दे दौरे बी लाए गे न। एहदे अलावा मैहकमा जम्मू कश्मीर बैंक दे सैहयोग कन्नै प्रदेश ते मुल्खै थमां बाहर रवै करदे पेंशनरें दी तस्दीक लेई बी कम्म करै करदा ऐ। ध्यानजोग ऐ जे मजूदा रिकार्ड च कमिं-खामिं गी हटाने ते पेंशन सरबंधी आंकड़े गी डिजीटल बनाने लेई एह पूरी कारवाई कीती जा करदी ऐ।

<><><><><><><>

## Kailash Kund

त्रै रोजा सलाना कैलाश कुंड यात्रा कल भद्रवाह दे गत्था स्थित प्राचीन वासुकी नाग मंदरै थमां शुरू होई। पवित्र छड़ी मुबारक भद्रवाह कस्बे दे बक्ख-बक्ख हिस्सें थमां होई लंघी ते रातीं बानां लेई ध्यान नालथी पुजजी जित्थुआं अग्गे अज्ज ओ 14 ज्हार फुट दी उंचाई पर वाका पवित्र "कैलाश कुंड" लेई रवाना होआ'रदी ऐ जित्थें अज्ज पूजा अर्चना दे बाद कल पैहली सितम्बर गी छड़ी यात्रा भद्रवाह परतोई आग। साढ़े संवाददाता अचिन दूबे नै जानकारी दित्ती ऐ जे डोडा जिले च पिछले दिने होए दे आतंकी हमले दे पछोकड़ै च सुरक्षा दे निग्गर बंदोबस्त कीते गेदे न तां जे यात्रा दी सुरक्षा बी जकीनी बनाया जाई सकै।

ध्यानजोग ऐ जे इस एतिहासक कैलाश यात्रा दे सिलसिले च केइं छड़ी यात्रा केल्लर, दतरगाला ते सियोज धार आले रस्तेया कैलाश कुंड लेई अगड़े बधै करदियां न। हुनै कोला किश चिर पैहले इस सरबंधै च आकाशवाणी कन्नै गल्लबात करदे होई वासयुकी नाग मंदर प्रबंधन कमेटी दे प्रधान हंसराज ठाकुर होरें गलाया..... बाईट

<><><><><><>

## World U-20 Athletics

विश्व अंडर-20 एथलैटिक्स प्रतियोगिता च आरती होरें महिलाएं दी 10 जहार मीटर तेज चलने आली प्रतियोगिता च कैह दा तगमा जित्ती लैता ऐ जेहदे कन्नै पेरु दे लीमा च भारत दा खाता खुल्ली गेआ ऐ। प्रतियोगिता ते खीरी दिन दे पैहले आरती होरें 44 मिंट 39.39 सैकेंड च त्रिया गेड़ पूरा कीता। 17 बरें दी आरती होरें इस बरे मार्च च बनाए गेदे अपने गै रिकार्ड 47 मिंट, 21.04 सैकेंड गी त्रोड़ेआ। तेज चालक आले चीनी बाइमा होरें सुन्ने दा ते मीलिंग ची होरें चांदी दा तगमा जित्तेआ।

<><><><><><>